



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observ. circa Cap. XV. De Confessione Judicaria.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

erat. Quoad ordinem, reprobationes in plures Classes dividenda erant, quibus singula pro affinitate sua subjectae forent. Prima Classis eas contineret, qua à testimonio prorsus excludunt, v. gr. infamiam, criminis atrociam, damnationem propter alia, Excommunicationem. Alia Classis, Reprobationes excludentes à depositione erga certas personas, v. gr. inimicitias, familiitum, servitutem, liberti conditionem, consanguinitatem: alia, eas, qua Testem suspectum faciunt, v. gr. si ipsius in negotio interfit, sive quia Socius est, sive quia partes adversarii suscepit, ut Advocatus; si negotium simile habeat, vel si deponere nequeat, nisi suspicionem incurrat, ut Judge: Alia, personas, quarum testimonium admittitur in quibusdam Judicis, in aliis reprobatur: Sic admittuntur Cognati, si de Impedimento consanguinitatis agatur; mulieres in Judicio Civili, secus in Extraordinario.

Quod dicit passim, quasdam Reprobationes in quibusdam casibus esse legitimas, in aliis inanes, idque à Judicis Decisione pendere, in fronte, aut in calce disputationis hujus erat collocandum.

Circà hanc rem laudat multos Canones abrogatos: tales sunt 1. Ii, qui Laicos excludent à depositione contra Clericos. 2. Ii, qui jubent, ut unico testimonio stetur, cùm à quibusdam personis, Episcopo vel Pontifice profectum est. 3. Ii, qui Monachorum testimonium reprobant adversus Clericos.

Non semel asserit, neminem posse reprobare testimonium eius, cujus depositione in aliquo negotio usus sit; nec excipit casum, quo in intervallo reprohibilis ille factus est. Monera debuisset, causas plerasque, qua Accusatorem inadmissibilem, & Judicem recusabilem faciunt, Testem quoque reprobabilem facere, & proinde remittere ad Tractatum praecedentem in illis causis, ubi dixit de Accusatore & Judge. Multa sunt similitudines & differentiae inter probationem testimonialem, & probationem instrumentalem; ambæ mutuo conferenda erant, ad notanda earum communia, vel peculiaaria attributa. Hoc executi sumus in nostro Operc. Præcipua Capita sunt, falsitatem, suspicionem falsitatis, contradictionem, contrarietatem, corruptionem, suppressionem iniquam, in utraque probatione locum habere: vitia hæc proponi possunt in quocunque statu Causæ, & in qualibet Instansia: scriptum per scriptum refellitur; sicut Testis per Testem: si nova Instrumenta detegantur, aut amissa, vel detenta recuperentur, ea possunt adhiberi, etiam post Judicium: idem est de Testibus recentibus advenientibus, & de iis, qui cogniti vel detecti fuere post item, modò probentur hæc circumstantiae. Probitas constans, aut præsumpta Testis, fidem ejus testimonio tribuit; similis probitas Præpositorum ad describendos Actus publicos, Instrumentis pondus adicit: utraque probatio à Principe & à Solemnitatibus ab ipso institutis, autoritatem accipit.

Unicum Instrumentum sufficit. Duo saltem requiruntur Testes. Refractatione obnoxia est depositio, non item Enunciatio Instrumenti. Depositio obscura ab ipso Teste est enucleanda; obscuritas Instrumenti in præjudicium loquentis accipitur, contraria cum, qui potuit legem apertius dicere, interpretatione est facienda.

OBSERVATIONES circà CAP. XV. de CONFSSIONE JUDICIARIA.

Cum Secundus hujus Operis Liber ad Judicia Civilia seu Privata pertineat, hic solum agi debet de Confessione, quoad negotium Civile. Nihilominus tres novissimæ Exceptiones Regulae I. nempe 6. 7. 8. loquuntur de Confessione in Re Criminale.

Quinque Priors Exceptiones sub unicâ Regulâ collocare potuisset, ac debuisset, dicendo, eum, qui confitetur apud Judicem competentem, pro judicato haberet, si Confessio spontanea, sine errore facta constans, absoluta sit, & restitutio in integrum non sit locus. Sic continuo cernerentur, tūm effectus Confessionis Judiciariae, tūm conditiones requiritur, ut ipsum fortioratur.

Regula II. est consecutio I. nam si Reus confessus, pro judicato habetur, oportet, ut is, qui ritè interrogatus, silet, cogatur ad solvendum, quia silentium hac in re Confessioni æquivalet, juxta regulam. Qui tacet confessare videtur, intelligendam de eo, qui non responderet, etiæ teneatur ad respondentum. Exceptio I. subauditur in Regula, nam Reus absens, etiam contumax, ritè interrogari negatur.

De materia Exceptionis I. locuti sumus, ubi de probatione negationis: quod enim diximus de negatione merā, sive eā, qua nullam affirmationem continet, ideoque probari nequit, argumento affine est; nam positio negativa, ad quam Reus interrogatus tenetur respondere, ex iis est, qua probationem directam non suscipiunt, quapropter ad Confessionem Rei recurritur.

Notandum est in Regula III. respositionem obscuram, & respondendi recusationem idem esse, & proinde pro judicato haberet, non solum eum, qui confitetur, sed etiam eos, qui vel silent, vel obscurè loquuntur.

Observatum est suprà, circà divisionem hujus Operis, Autorem invertisse ordinem TITULI de confessis, hunc postponendo Titulus de Probat. de Testib. de Fide Instrum. quos præcedit in Corpore Juris. Momentum videtur fuisse, quod Confessio sit probatio necessaria Actori, qui Actionem aliter tueri nequit, Decretalium autem Compilatores hunc Titulum Titulo de Probationibus præposuerunt, quia, confitente Reo, Actor probatio non indiget.

Cum Autor omiserit majorem partem eorum, qua pertinent ad Confessionem in Judicio Criminale, necessarium videtur, ut istas Omissiones suppleamus, adjicendo nimis I. Reum, qui crimen confessus est, interrogandum non esse circà Confessios, qui si editi fuerint, ob id tantum castigandi non sunt, nisi agatur de Crimine Læsa Majestatis, aut aliis flagitiis atrocibus in Jure expressis Cap. I. de confessis, & apud GONZALEM in illud, qui notat, ubique contrarium observari. 2. Si quis scelus incidenter in Instantiâ confiteatur, penâ ordinariâ nouâ est afficiendus, nisi in subsequente Inquisitione convincatur Cap. 2. ibid. 3. Si Reus crimen, post Inquisitionem juridicam in ipsum factam, confiteatur, suam Confessionem impugnare non potest, idcirco quod ante inquisitionem diffamatus non erat, vel quod Delegatus ipsi non communicavit Capita, de quibus in ipsum inquirendum erat. Cap. 1. de Accusat. in 6. 4. Confessio per gehennam extorta, vim probationis habet in Judicio Capitali, undè fit, ut Canones Reos ad eliciendam Confessionem criminis torqueri probent. Cap. 6. de Reg. Jur. juncta vulgari Canonistarum interpretatione. Vid. præ Ceteris T. mbur. de Jure Abbatum Tom. III. Quæst. 10. de Praxi Criminali, ubi de gehennâ præfata differit; FAGNAN. in Cap. 1. de Relig. & veñer. qui per occasionem solum de illâ loquitur, eamque probans, dicit, Confessionem sic extortam pro merâ veritate haberet. n. 46.

OBSERVATIONES in CAP. XVI. de JURE JURANDO

De probatione per Præsumptionem sendum fuisse, priusquam Juramentum tractaretur; ordo Collectionis Decretalium id requirebat: sed cum Autor, dispu-